

Tasdawit n Bgayet
Tasga n Tutlayt d Yidles n Tmaziyt
Aseggas Asdawan 2019/2020
Master 1 Tasnalest
Atelier d'écriture
Massa BENAZZOUZ, K

Tamsirt 05

Tizdit (ajerriḍ n tuqqna)

Tizdit, ur telli deg lmenteq, tettban-d kan deg tira n tmaziyt. Tetteqqen gar wawal agejdan d yiwsilen-is. Tettili gar :

- Amyag d yiwsilen-is ;
- Isem d yiwsilen-is ;
- Tanzeḃt d yiwsilen-is.

1- Amyag d yiwsilen-is

Nezmer ad neqqen yer umyag s tezditi, kraḍ n yiferdisen :

- Amqim awsil asemmad usrid ;
- Amqim awsil asemmad arusrid ;
- Tazelya n tnilla.

1-1- Amqim awsil asemmad usrid

Amqim awsil asemmad usrid, d win i yettuɣalen deg wadeg n usemmad usrid. Yetteqqen srid ɣer umyag s tezditi.

Imedyaten : Yeyra tamsirt. → Yeyra-tt.
Yečča aɣrum → Yečča-t
Yewwet arraw-is → Yewwet-iten

1-2- Amqim awsil asemmad arusrid

Amqim awsil asemmad arusrid, d win i yettuɣalen deg wadeg n usemmad arusrid. Yetteqqen srid ɣer umyag s tezditi. Asemmad arusrid iɣef i d-nettmeslay deg tegnit-a, d win i d-teggar tenzeɣt “ i ”.

Imedyaten : Yemmeslay i umdakkal-is. → Yemmeslay-as.
Yura tabrat i gma-s. → Yura-yas tabrat.
Tessawel i yimawlan-is → Tessawel-asen.

1-3- Tazelya n tnilla “d” akked “n”

Tazelya n tnilla, teskanay-d tanilla (tama) n tigawt n umyag ; ma truɣ-d tigawt ɣer tama n win i yettmeslayen, nessemmas “d” ; ma truɣ tigawt seg win yettmeslayen ɣer win i wumi yettmeslay, nessemmas “n”. Snat n tzelyiwin-a, tteqqent ɣer umyag s tezditi.

Imedyaten : Yusa-d ɣer uxxam-nney.
Ssawɣey-n lamana almi d ɣur-wen.

Tamawin :

- Imqimen iwsilen akked tzelya n tnilla, akken i nezmer ad ten-naf seld amyang i nezmer day ad ten-naf send amyang. Deg tegnatin anda amyang yefti ama ɣer wurmir s “ad”, ama ɣer yizri ibaw.

Imedyaten : Ad iyer tamsirt. → Ad **tt**-iyer.
 Ur yeyri ara tamsirt. → Ur **tt**-yeyri ara.
 Ad yemmeslay i umdakkel-is. → Ad **as**-yemmeslay.
 Ur yemmeslay ara i umdakkel-is. → Ur **as**-yemmeslay ara.
 Ad **d**-yas.
 Ur **d**-yusi ara.
 Ad **n**-ssiwḍey.
 Ur **n**-ssawḍey ara.

- Tazelya n tnilla “d” akked “n”, tettbeddil talya ma yezwar-itt-id umqim awsil asemmad usrid ; “d” tettuyal d “id” / “n” tettuyal d “in” :

Imedyaten : Yufa-**tt-id**.
 Yewwi-**t-id**.
 Ad tent-**in**-awiy.
 Ur **tt-in**-ssawḍey ara.

- Ur tettili tezditi gar “ad” n wurmir akked umyag. Ur tettili dayen gar “ur” d “ara” n tibawt akked umyag.

Imedyaten : Ad ruḥey yer uyerbaz.
 Ur walay **ara**.

2- Isem d yiwsilen-is

Ad naf sin n lesnaf n yiwsilen i yetteqnen yer yisem s tezditi : amqim n wayla akked urbib ameskan.

2-1- Amqim n wayla

Amqim n wayla, d amqim i yettuyalen deg wadeg n yisem-nniḍen. Amqim-a, yettentāḍ yer yisem s tezditi.

Imedyaten : Tawwurt n uxxam. → Tawwurt-**is**.

Tajmaet n yirgazen. → Tajmaet-nsen.

2-2- Arbib ameskan

Arbib ameskan, d amqim i yettentaden yer yisem s tezdit, s yes i nezmer ad d-nesken amdan ney tayawsa ney ayen-nniiden. Yebda s timmad-is yef ukuz n lesnaf :

2-2-1- Ameskan n tizin

Mi ara d-nesken ayen i iquerben yur-ney.

Imedyaten : axxam-a, argaz-a, taqcict-a, azeğgig-a ...

2-2-2- Ameskan n waggug

Mi ara d-nesken ayen i ibeeden fell-ay maca nettwali-t.

Imedyaten : taddart-ihin, tamettut-ihin, tazemmurt-ihin ...

2-2-3- Ameskan n ubdar

Mi ara d-nebder amdan ney kra-nniiden d abdar kan.

Imedyaten : ahriq-nni, ayerbaz-nni, amyar-nni, asefru-nni ...

2-2-4- Ameskan n tident

Mi ara d-nemmeslay yef kra n tyawsa-nniiden nnig n tin i yellan yakan.

Imedyaten : Seiγ axxam-nniiden.

Yuγ-d takerrust-nniiden.

Yerna-d tamettut-nniiden.

Tamawt :

Ama d amqim n wayla ama d arbib ameskan, ttasen-d kan seld isem, ur zmiren ara ad d-asen uqbel-is.

3- Tanzeyt d yiwsilen-is

Nemmeslay-d deg tazwara n temsirt-a yef umqim awsil asemmad arusrid, i d-yekkan seg usemmad arusrid i d-teggar tenzeyt “ i ”. Ma d tura ad d-nemmeslay yef usemmad n tenzeyt i d-ggarent tenzay-nniden i yecban : seg, deg, yef, yer ... D asemmad n tenzeyt i yettuqalen d amqim awsil n tenzeyt.

Imedyaten : Grey aewin deg **uḍellaæ**. → Grey aewin deg-**s**.
 Terzef yer **yimawlan-is**. → Terzef yer-**sen**.

Amqim awsil n tenzeyt, yettentad yer tenzeyt s tezditi. Yettas-d dima seld tenzeyt, ur yezmir ad d-yas uqbel-is.